

崔東壁遺書

顧頤編訂



錢玄同題

後編
崔德
皋先
生遺
書四
種

崔德皋先生遺書目錄

序

崔德皋先生傳

崔德皋先生年譜

訥菴筆談二卷

尙友堂文集二卷

尙友堂說詩一卷

寸心知詩集二卷

楊蔭澐

楊蔭澐

楊蔭澐

顏剛案：十餘年來，予以輯錄東壁遺書，遂得與大名人士相交遊。賴其熱

心搜訪，幾於每年必有新材料發見；然皆詩文書牘之類，固得藉此以深悉崔氏一門之生活，而與學術思想猶無直接關係也。前年輾轉傳聞，知尚有東壁之弟德皋先生所作尚書辨僞藏於廣平縣某家。喜其爲學術著作，諄囑大名友人探詢，卒未覓得。予遍檢東壁遺書及其他傳狀，先生所作僅有訥庵筆談等數種，其讀僞古文尚書黏簽標記亦已錄入東壁書中，他無所謂尚書辨僞者；意傳者之非真也，亦置之矣。去冬在北平，接張文炳先生自成安漳河店貽書，書曰：『數年前，曾聞先生不辭勞苦，訪東壁先生遺事於大名，輒恨不能爲先生助。今乃於廣平別有發現，德皋先生全集之原鈔本已尋得，不但訥庵筆談一種而已。如願爲表章，乞示知。某誠不忍使德皋先生之心血精力湮沒無聞，必許付印始肯寄也。』讀之樂不自勝，亟覆書請寄；謂東壁遺書尙未出版，當可附刊。今年二月在杭，得平寓轉寄張先生函，發之，分量之重遠出我想像，凡書四種，綜七萬言，是誠一大創獲也！筆談之上卷爲書經辨說，皆駁辨書序，僞古文

與宋人經說者，既列冊首，覽者易見，其有尙書辨僞之傳訛，宜矣。此一卷與文集中之大半，考辨古史，其持論之廉悍與乃兄同，其歷史見解之透澈亦至相似，於以知考信錄一書雖寫成於東壁晚年，而早已定型於昆季同學之時代；然則此書自必爲讀東壁書者所不敢廢。又兩書互勘之下，考信錄中固多明引弟說以證成己說，然襲用其言而未揭之者亦不在少。推此而論，必有先生於坐談之頃直抒其疑古之見，而未著於書，遂爲東壁所採擷者，惜其事不可詳耳。東壁年七十七而先生僅三十九，學之成與不成豈非天哉！
月十六日，記於杭州。

民國二十四年三

又案：德臬先生著作，據考信附錄中『附記弟所著書』，其詩文爲寸心知集二卷，文集一卷，詞爲夢窗嚶語一卷，筆記爲訥庵筆談二卷，論詩者爲尙友堂說詩一卷。其搜集鄉土文獻者，於文有大名文存三冊，於詩有大名詩存二冊，

於故實有魏城雜誌四卷，魏郡瑣談三卷，魏郡叢談，金石遺文記略，雜記三種。在楊靜庵先生所作傳中，有梓鄉文獻二卷，疑即上數書中某種之異名。今所見者，其自身著作，舍詞一卷外皆已備。大名文存等書，未爲陳海樓携以南行，他日容有發見之望也。張先生寄來四種，云係借自靜庵先生者，先生清舉人，廣平耆宿，十餘年前初見是書，即欲付諸剞劂，詳見其所作序文中。今取與東壁書同刊，有若符節之重合，當必聞而拊掌。書凡二冊，紙已脆絕，幾觸手而碎。其中『事』字尙不避諱，足證爲道光以前鈔本。然觀詩集字體勁挺，墨非一色，文又頗有改竄，意者其獨爲稿本耶？苟其信然，則尤可珍已。前年洪煊蓮先生發見知非集，對於寫生筆蹟有至密之討論。今予獨處南方，匆匆付印，不得呈師友一鑒定之，其悵悵爲何如也！四月廿五日，記於蘇州。

序

古者異端在儒之外；後世異端在儒之中。異說橫於門牆之外，而能拒之排之者，則有孟子。異說混於經傳之中，而能疏之剔之者，則有崔氏兩先生。先生者，涇水人，開齋公之子，長曰述，字東壁；次曰邁，字德泉。乾隆壬午，同舉孝廉。俱不得志於禮闈，以著述闡道爲己任。時去吾生僅百年，地距吾鄉僅一舍。嗟！自爲童子時，耳先生之名，甚熟；及稍長，求讀其書，不可得也。三十年來，留心搜訪，得東壁所著考信錄、王政三大典考數種。其於唐虞三代之傳文，下迄秦漢唐宋以來之著作，凡說之有戾聖經者，靡不辨闢而刪削之，不使相混以誤來茲。山陽汪文端公稱：『其書爲古今不可無之書，其功爲世儒不可及之功。』誠非虛譽。

顧東壁之書，得石屏陳氏爲之表章，一刻於江西，再刻於山右，續刻於京師，至今猶有傳者；若德泉之書，則仍未之見焉。其內菴筆談數條，僅見於考信錄之所引；詩集一

卷，幾輔藝文志亦但載其目。訪之魏人，無知之者；求諸崔氏之族，亦無存矣。久而不獲，深以爲憾。戊午夏，與同邑王芳齋先生錦堂話及，言渠爲先生之外曾孫，家藏鈔本，有其全集六卷，尙不甚殘缺，計訥菴筆談二卷，文集一卷，尙友堂說詩一卷，寸心知詩集二卷。余聞言之下，不禁狂喜，亟借觀之。其文閎肆如昌黎；其詩醇正似子美；其說詩主乎性情，力挽當時聲調萎靡之習；其筆談則精於考據，足證歷代諸儒相沿之謬，有功經傳，與乃兄考信錄一書並堪不朽。若不亟付剞劂以廣其傳，恐數十年後並此殘編斷簡亦不可得。使先生疏剔異端之功自我而墮，則余滋懼矣！

民國七年，廣平後學楊蔭津謹序。

崔德皋先生傳

楊蔭沆

先生諱邁，字德皋，姓崔氏，大名魏人，東壁先生之弟也。幼聰敏，年十七知學問。郡守朱公龍坡奇其才，俾人署同諸子誦讀。公固多藏書，因得肆其博覽，潛心經籍，四寒暑如一日，所學益進。會漳水決入魏城，家資蕩沒，流離遷徙者九年，未嘗廢學。乾隆壬午，與兄同舉於鄉。家貧，每授徒自給，雖饔飧不繼，晏如也。以文章經濟自負，往來燕趙間十餘載，少所許可。然數奇，屢不得志於禮闈。遂舍去帖括，留心著述，慨然以一邦文獻爲己任，集梓鄉文獻一書，上自周秦，下迄昭代，徵引詳博，爲從來著述家所未有。終以勤學致疾，年未四十而卒，不克竟其志，人多惜之。

先生天性孝友，經術湛深，長於考據，與兄東壁齊名，人稱『二鳳』。所著有內菴筆談二卷，尙友堂文集二卷，尙友堂說詩一卷，寸心知詩集二卷，梓鄉文獻二卷，存於家。

~~~~~

✿

11

## 崔德皋先生年譜

楊蔭澍

一歲，癸亥，乾隆八年，八月初九日生。（見無聞集先孺人行述。）

二歲，甲子，乾隆九年。

三歲，乙丑，乾隆十年。

四歲，丙寅，乾隆十一年。

五歲，丁卯，乾隆十二年。

六歲，戊辰，乾隆十三年，始受書。（見文集齒人說。）

七歲，己巳，乾隆十四年。

八歲，庚午，乾隆十五年。

九歲，辛未，乾隆十六年。

十歲，壬申，乾隆十七年。

十一歲，癸酉，乾隆十八年。

十二歲，甲戌，乾隆十九年，應童子試，爲大名守朱公龍坡所賞，入府庠，識朱松田於郡署；

入署讀書。（見乾隆大名縣志鄉賢傳及詩集進送朱松田自永州歸雲南。）與廣平栗太初同學。

（見文集太初遺稿序。）

十三歲，乙亥，乾隆二十年，食餼。（見大名縣志鄉賢傳。）

十四歲，丙子，乾隆二十一年。

十五歲，丁丑，乾隆二十二年，五月，城沒於漳，屋盡頽，徙家城外，數月未有寧居。（見無聞集

先府君行述。）

十六歲，戊寅，乾隆二十三年，春，水退，復移入城。十月，魏縣廢，併入大名。（同上。）

十七歲，己卯，乾隆二十四年，始發憤讀書。（見詩集卷二可歎。）兄東壁先生以仇氏從

母貞節聞於郡守朱公，載入府志。（見文集一從母傳。）

十八歲，庚辰，乾隆二十五年，始存詩稿。（見寸心知詩集自序。）

十九歲，辛巳，乾隆二十六年，秋，乘舟落水沒頂，扳舟得免。（見詩集卷二憶詠。）

二十歲，壬午，乾隆二十七年，朱公龍坡移永州，兄弟附公舟至臨清，入都鄉試，皆得舉於順天。（見考信附錄少年遇合記略，無聞集先孺人行述，詩集哭朱公。）

二十一歲，癸未，乾隆二十八年，會試，不第。

二十二歲，甲申，乾隆二十九年，設館某村。兄赴邠州就婚。（見詩集雨中赴館作。）

二十三歲，乙酉，乾隆三十年，授徒于院家堡。（見詩集過院家堡觀音堂。）朱公罷官歸雲

南，松田貽書以告，作詩遙送之。（見詩集遙送朱松田自永州歸雲南。）兄嫂歸自邠，示所作詩，和之。（見詩集家兄秋興原韻等篇。）

二十四歲，丙戌，乾隆三十一年，移居禮賢亭下。（見詩集秋興注。）會試，不售。

二十五歲，丁亥，乾隆三十二年，爲淡然陳先生作墓誌銘。（見文集。）以見惡於世，自號

枝人。（見文集枝人說。）

二十六歲，戊子，乾隆三十三年，作多愁賦。（見文集。）冬，編九年來所作詩爲寸心知

詩集卷一，自序之。（見詩集自序。）

二十七歲，己丑，乾隆三十四年，會試，不售。寓李振文同年處，爲作海山集序，並作徐歷

山像贊及戲酬李振文諸詩。（均見詩文集。）栗太初謁選于吏部，得四川納谿知縣；

將赴任，附其車而歸。（見無聞集送栗太初赴納谿任序，詩集附栗太初車旋里。）是年苦旱，

至十月朔乃雨，喜而成詠。（見詩集卷二。）冬，買鄰地築書室。（見詩集卷二。）

二十八歲，庚寅，乾隆三十五年，徵鄉先生事蹟遺文，修梓鄉文獻。

二十九歲，辛卯，乾隆三十六年，正月，吟遣興詩。（見詩集。）二月，父聞齋先生卒，年六

十三。（見無聞集先府君行述。）

三十歲，壬辰，乾隆三十七年。

三十一歲，癸巳，乾隆三十八年，十一月，兄作霧樹詩，和之。（見無聞集霧樹詩序，詩集霧樹。）

三十二歲，甲午，乾隆三十九年，夏，鈔錄大名文存。（見文集與友人書。）

三十三歲，乙未，乾隆四十年，朱公以先一年卒於雲南，本年計至，作詩哭之。（見考信附錄卷

一，詩集哭朱公五十韻。（見詩集卷二。） 酬呂恆直東山京師遲友之作。（見詩集卷二。）

三十四歲，丙申，乾隆四十一年，栗太初前卒，其弟寄其遺稿，爲之選錄若干首，序之。（見

文集太初遺稿序。）

三十五歲，丁酉，乾隆四十二年，攝守謝清問舉節孝，復陳仇氏從母事實，清問爲書貞節二字，慮其表見無所，作二從母傳。（見文集。）

三十六歲，戊戌，乾隆四十三年，以神志凋落，昏眊遺忘，讀書專日久而無所得，有類蠹魚

自號蠹人，作蠹人說。（見文集。） 又作可歎詩。（見詩集卷二。） 自去年至此，連歲

荒歉，四月，官於舊城平糶，作推鹿車借門牌諸詩。（見詩集卷二。）

三十七歲，己亥，乾隆四十四年。

三十八歲，庚子，乾隆四十五年，十月，母李孺人卒。（見無聞集先孺人行述。）

三十九歲，辛丑，乾隆四十六年，六月二十八日卒。（見無聞集先孺人行述。） 同年周啟運，

同邑成誠作詩哭之。（見詩集附錄輓詩。）

頤剛案：靜庵先生此譜，鉤索先生詩文中之有年可稽者已略備。惟原稿定其生年爲乾隆六年辛酉；予據東壁先生先儒人行述則實爲八年癸亥。始不曉其何以相異，繼讀遙送朱松田詩云，『我昔年一紀，甲子與君同；而我應府試，識君官署中。』八歲家兄交，還往余偶爾。歲在壬之春，始克同硯几。諒靜庵先生知先生年十二入泮，遂以『壬之春』爲乾隆十七年壬申，以之上推十一年則爲六年辛酉爾。然先生與松田相識，未必即爲其同硯之日也。觀『八載家兄交，往還余偶爾』一語，廁於其間，則知相識之後，初未甚往還，歷八年而始同硯几，是爲『壬之春』，即乾隆二十七年壬午也，是時先生年二十矣。由此推之，其相識之年乃十九年甲戌也。東壁先儒人行述一文，爲發喪時哀啟，所記弟之生卒年月必不誤，故擅爲改正。先生詩文中所叙行事，有以年歲記者，有以甲子記者，經此一改，不得不重爲整理，故亦頗有移易，並爲箋注其出

處，以便檢覈。然亦有不審其何出者，如修梓鄉文獻之年，實詩文中所未見，而靜庵先生定之於乾隆庚寅，恐其曾見是書，或別有所據，則不敢刪焉，懸以待他日之補綴。

民國二十四年四月廿七日記。

年  
譜

八